

214  
2/11

DISSERTATIO  
ORATORIA  
DE CAUSA BELLI  
GERMANICI,

INTER DVOS ORATORES  
CÆSAREVM & SVECVM.

*Stylo NICOLAI VERNVLÆI Historio-  
graphi Regij, & publici Eloquentiæ  
Professoris Louanij.*



LOVANIÆ.  
Typis PHILIPPPI DORMALII,  
Cum Priuilegio 1635.





ILLVST.<sup>MAE</sup> ET EXCELL.<sup>MAE</sup>

DOMINÆ

ALBERTÆ

PRINCIPI AREMBERGIÆ

MARCHIONI DE TRELON,

COMITI DE BOCARMES,

BARONI D'ARGENTEAV ET

HOSFALISIÆ,

Dominæ de Harem, Bury, Bayuers,  
Waillers, Vosmaer, &c.

DOMINA

**H***Ecce veniunt ex Palastra Aca-*  
*demica ad Excellentiam Tuam*  
*Oratores duo, Cæsareus unus,*  
*alter Suecus. Ambo Filij tui sunt, & dum*  
*de Causa Belli Germanici non idem senti-*  
*unt, ad Illustrissimæ Matris suæ iudicium*  
*pro uocant. In hac Controuersia Fratres*

A 2 amo-

*amore manent, sed dum experiri nascentis  
in se Eloquentia vires volunt, opinione dis-  
cordes sunt, non animo. Ardua hæc causa  
est, & quæ armis hætenus disceptatur,  
sed nunquam melius, quam in arduo illus-  
trique argumento Eloquentia se probat.  
Tua Excellentia, quo pollet maturo Iudicio  
Controuersiam eorum definiet, ipsi acqui-  
escent. Quippe satis is est studij sui speci-  
men Matri exhibuisse, & quantum ali-  
quando in Republica poterunt, hoc tempo-  
re in Oratorio puluere ostendisse. Votum  
eorum est, Prudentiam & Eloquentiam  
acquirere; per utramq; postea Patriæ uti-  
les esse, & Illustrissimæ Familiæ suæ orna-  
mento. Ego, qui illos ad utramque duco,  
nunc sisto.*

EXCELLENTIÆ TVE

Obsequio Deuotus

NIC. VERNVLEYS;



DISSERTATIO  
ORATORIA  
DE CAUSA BELLI

GERMANICI,  
INTER DVOS ORATORES  
CÆSAREVM & SVECVM.

---

ORATIO I.  
SVECI ORATORIS.



QVANTVM haftenus om-  
nium animis Suecorum  
in Germania victoriæ fe-  
licissimiq; rerum succes-  
sus terrorem incusserint,  
dum adhuc consternatis  
mentibus Germani viciniq; omnes po-  
puli

# DISSERTATIO ORATORIA

puli trepidant, nemo est, vt opinor, AUDI-  
TORES, qui ignoret. Vidit hæc ætas & sen-  
sit, postquam in Germaniam Septentrio-  
nem nostrum effudimus, quod nulla vn-  
quam prouincia, post longam etiam poste-  
ritatem, se visuram, ac multò minus sen-  
suram, arbitrabatur. Et ille Gustauus Rex  
noster, plusquam Cæsar, plusquam Alex-  
ander, plusquam Augustus, vbi primum  
horrendo fulmine suo in Germania deto-  
nuit, victrices antea Romanæ Aquilæ, quæ  
solem irretitis oculis intuebantur, men-  
tem & animum insolito cum horrore de-  
miserunt; atque ipsa etiam Austriacæ Gen-  
tis potentia, sub quâ tot regiones geme-  
bant, quam tot Reges Principesque formi-  
dabant, cui seruitutem orbis vniuersus pol-  
liceri videbatur, vltimam perniciem atque  
interitum pænè cum desperatione perhor-  
ruit. Nulla enim tempestas vnquam tanto  
cum fragore desæuijt; nullum fulmen tan-  
ta celeritate prouinciam vllam cadentibus  
ignibus perterrefecit; nulla aquarum illu-  
uies

uies solutis cœlorum cataractis tanto cum terrore terrarum orbem inuoluit, quanta cum formidine Germaniam vniuersam victoriarum nostrarum cursus morientibus his, fugientibus illis, attonitis & trepidantibus omnibus inuasit. Poterat sanè in Gloriæ sinu conquiescere Rex noster, qui laudem omnem in Moscouia Poloniaque sibi compararat; poterat in triumphali curru perpetuo sedere, qui suorum armorum famâ non modo Septentrionem nostrum, sed totam Europam implerat; neque erat ita ambitiosus, vt nouas in Germania lauros quærere deberet, neque ita temerarius, vt illam Austriacæ Gentis potentiam tam vastam, tamq̃, triumphantem irritare vellet, nisi cum grauissimæ causæ euocauissent, & ingentia maris spatia transmittere coegissent. Nulli suarum terrarum possessionem inuidebat, cui terrarum plus satis erat; cum omnibus pacem, & in suo regno tranquillitatem amabat; carere tot molestijs, laboribus, & periculis optabat, quibus

se cum regni vitæque discrimine, ut publico bono consuleret, immisit; sed illum aliena pericula & iniuriæ vindicem in Germaniam accersuerunt. Necessitas illum, non impotens ambitio, non auida latius regnandi cupiditas, ad ea arma compulit, per quæ concusso imperio & subiugatâ maiori Germaniæ parte ad illud summæ Gloriæ fastigium ascendit, in quo ipsum omnes propemodum Europæ regiones aut horruerunt, aut honorarunt. Sed quoniam quidam hodie non credunt, & ut trophæis eius laudem detrahant, Gloriæ maculam aspergant, famam immortalem dilacerent; ut, inquam, soli tenebras, si possint, offundant, palam dicere ubique non desinunt Gustavum nostrum, verè Augustum, non iustum Bellatorem, sed iniquum Grassatorem extitisse, quem non alicuius iustitiæ causæ, sed dominationis appetitus, & imperij occupandi cupiditas ex Septentrione in Germaniam attraxerit, nos, si placet, tantæ eius expeditionis causas in hoc Academicum



## DE CAUSA BELLI GERMANICI.

demico puluere exponemus, & victoriosissimi Regis Gloriam ab iniuria calumnia. que vindicabimus. Vos, quotquot hic adestis, mihi eius Oratori, quâ beneuolentia, quâ attentione fauete, vt cum me audiueritis, triumphalem illius currum plaudentibus animis & manibus sequamini, quem vniuersa semper Europa loquetur, de cuius laudibus nullæ vnquam litteræ conticescent, cuius victorijs ac trophæis tota Posteritas applaudet.

Omniū confessione Gentium certum est & indubitatum, eum, qui hostibus concitandi belli est author, & auxilia subministrat, inter hostes censendum esse. Ita Romani cum aduersus eos Antiocho Ætoli fauissent, Ætolos inter hostes suos numerarunt; & cum Macedonum Rex Philippus cum Hannibale Italiæ tum incubanti foedus percussisset, eum non aliter, quam hostem, grauissimo bello sunt persecuti. Quis verò nescit Ferdinandum Secundum Imperatorem belli à Polonis ad-

B

uersus

# DISSERTATIO ORATORIA

uersus Suecos suscipiendi causam extitisse? Quamquam quid causam dico? Eum, inquam, potentissima Polonis auxilia suppeditauisse? suas copias in Prussiam Holstenio Arnhemioque Ducibus misisse? ne pacem ullam cum Rege nostro componerent, diligenter cauisse? Vidimus volitantes per diuersa Prussiae loca Germanici Caesaris, tanquam detonantis Iouis, Aquilas, quae fulmen inferebant; audiuius feruerrima illa edicta, quibus ne qui Gustavo nostro militarent, aut quicquam bello necessarium Suecis suppeditarent, prohibebatur; sensimus manus illas, quae in nostram perniciem, cum nullâ iniuriâ laceffitum à nobis Imperium esset, ferro armatae ruebant. Superauimus tamen, & qui Moschorum in media glacie hyemeque, aspero & immiti cœlo virtutem fregeramus, Polonos, Gentem acrem, bellicosam, victoriosam, inter arma, & pæne cum armis natam, elusis Cæsareis auxilijs refrœnauius. Liuoniam momento prope debellauimus

& Rigæ Reualiaque trophæa ad sempiternam posteritatis memoriam ereximus; in Lituania post tot gloriosissimas victorias victricia signa fiximus; de Borussia frendente & inuito hoste triumphauimus. Quæ omnia cum nobis Ferdinandus Cæsar inuiderit, & in belli societatem cum Polono venerit, an non debuit Gustauus noster armorum suorum vim in Germaniam effundere, & pro bello bellum Imperatori rependere? Taceo, quod cum Rex noster litteras ad Transsylvanum per internuntium misisset, eæ à Cæsareanis violato Gentium iure interceptæ fuerint & resignatæ. Qua de re cum delatæ querelæ essent postulataque iustitia, nihil aliud, quam ritum opprobriumque querelæ nostræ reportarunt. Non illud etiam commemoro, tot & tam diuersis in portubus Suecos nostros vim indignissimam, quam Cæsareani inferebant, esse perpeßos, detentas eorum summâ iniuriâ naues, additas fisco merces, commercia illis in Imperio & cum Germa.

nis interdicta; quæ singula profecto quem-  
 admodum Gustavi nostri animum iustif-  
 simâ indignatione vehementer perturba-  
 bant, ita eum ad arma & vindictam exci-  
 tabant. Sed maiores aliæ iniuriæ calumni-  
 æque æquissimum optimumque Regem  
 ad bellum Cæsari inferendum adegerunt.  
 Cum Cæsaris Daniæq; Regis Legati ad san-  
 ciendam post tot belli incommoda con-  
 cordiam Lubecæ conuenissent, Rex noster  
 publicæ pacis amantissimus, eo quoque Le-  
 gatos suos destinavit; nec alio consilio,  
 quam ut de Stralsundæ obsidione tollen-  
 dâ cum ijs agerent, & pacem in Imperio  
 promouerent. Quid deinde verò? fœdè  
 excepti sunt, non admissi, non auditi, at-  
 que insuper cum ignominiâ contra Gen-  
 tium ius ubique receptum abire iussi; & ne  
 pedem in Imperij ditiones ullas inferrent,  
 seuerè prohibitum est. Poterátne generosif-  
 simus Rex illatam Legatis suis iniuriam æ-  
 quo animo ferre? Poterátne eam infamiam  
 Maiestatis suæ nomini iniustam patienter  
 tole;

## DE CAUSA BELLI GERMANICI:

tolerare? Quiescere, si absit iniuria, modestiæ est, cum illa adest, non commoueri, non vlcisci stultitiæ est & improbitatis. Bene de Germania vniuersa mereri Rex noster volebat, non volebant Cæsareani; susceptum concordiae inchoatæ negotium promouere desiderabat, non placebat Cæsareanis; vt Stralsunda futuræ pacis legibus comprehenderetur optabat, non admittebant Cæsareani; vt Ducum Megapolensium causa benignè discuteretur vrgebat, nolabant Cæsareani, atque idcirco Legatos nostros non admittere, quam postea eijcere, maluerunt. Quod si verò nullam Romani iustiore belli causam, quam Legatorum violationem, aut contemptum esse iudicauerunt, & hanc ob causam subacti Tarentini, deleta Corinthus, Illyrij summâ vi superati, aliæque plures vrbes solo sunt æquatæ, an non potuimus, imò debuimus, pro iniuriâ bellum inferre, pro contumelia vindictam exposcere, pro contemptu vim armorum in Imperium vniuersum im-

# DISSERTATIO ORATORIA

mittere? Non ita Sueci in Septentrione nostro obduruimus, vt illatam nobis iniuriam non sentiamus; non ita Gloriæ nostræ immemores sumus, vt contemni nos patiamur. Scimus maiores nostros, & æternum recordabimur, regnum in Hispania condidisse, Galliam aliquando subiugauisse, Italiam domitam suis trophæis illustrauisse, prouincias omnes alias victorioso transitu perterrefecisse, ac nullum olim gloriosius in orbe nomen, quam Gothorum Vandalorumque fuisse. Quid, quod Duces Mechelburgenses propinqui & consanguinei Regis nostri per vim ditionibus suis erant exturbati, & eæ omnes ad Walstenium translatae? Quid, quod Bogislaus Pomeraniæ Dux urbibus omnibus suis, præterquam Stetino & Stralsundâ, exutus, patriâque vniuersâ, quam sub iugo Walstenius tenebat, spoliatus, ad Regem nostrum, tanquam ad asylum, & solum miseriæ suæ depulso rem confugiebat? Quid, quod alij tot Principes & populi regionibus suis vel

eiectioni,



## DE CAUSA BELLI GERMANICI.

eiectioni, vel grauissimâ seruitute oppressi interque vitam & mortem vix respirantes illum ex Septentrione, tanquam è cœlo Deum, euocabant? Potuissêtne cognatorum suorum miseras & exilium siccis oculis ac coniectis in sinum manibus intueri? Potuissêtne non motis armis Walstenium Megapolitani Ducatus titulo superbientem, & in alieno Principatu crudelissimè dominantem videre? Potuissêtne tot afflictissimorum Ducum ac populorum lachrymas spectare, tot miserorum eiulatus audire, tot implorantium opem suam lamentationes intelligere, nec eorum dolore percelli? nec misericordia commoueri? nec auxiliatricem manum porrigere? nec vniuersas regni sui vires concutere, & ad arma repentè prosilire? Non, non potuisset, nec debebat, nec iustum erat. Regum enim est, & generosorum sanè Regum, Principes calamitosos subleuare, populis iniuste oppressis succurrere, ab amicis, & affinis, & consanguineis miseras depellere,

## DISSERTATIO ORATORIA

Iere, seruitutemque indignissimam arcere. Tota illi Germania pæne perdita & exhausta manus tendebat, vt erat generosus ad eius auxilium accurrit; opem eius amici omnes & affines suis ditionibus expulsi postulabant, vt erat fidelissimus, cum exercitu illis succurrit & restituit. Suppetias, suppetias tot oppressi iacentesque populi, qui vix hiscere sub ferro audebant, abruptis eiulatibus clamabant, vt erat misericors depulsis Cæsareis Aquilis eos erexit, recreauit, confirmauit. Hic ego te, ô Germania appello, an non hodie sub turpissimæ seruitutis iugo miserè afflicta iaceres, si te non erexissemus? an non Cæsar & Hispanus immanissimorum pedibus militum conculcatam te in triumphum abduxissent, si te non ex eorum manibus eripuissimus? Vbi esset hodie tua illa Lutherana religio, quam Imperator seuerissimis edictis, bonorum omnium spoliatione, & crudelissimo ferro persequabatur, si non excelssimi animi Rex noster relicto regno regalique solio corpus



pus suum pro eius conseruatione in vltimum discrimen adduxisset? Ipse est, qui tibi tuæ Religionis libertatem, quam nemo bonus, nisi cum anima simul amittit, vindicauit. Ipse est, qui tua tibi Priuilegia conseruauit, quæ Cæsar cum in Pomerania Nobilibus confirmaret, Religionis libertatem excepit. Ipse est, qui decurrentes Cæsaris per mare Balticum, vt Polonis auxilio essent, naues repressit; qui Piratas mari & portubus infestos depulit, qui libera cum omnibus commercia tibi seruauit, qui Walstenium à Pomeraniæ portubus, quos occupare volebat, vt Germaniæ frænum aut aut compedes inijceret, auertit. Ipse est, cui bona omnia, cui libertatem, cui vitam & salutem debes. Et vos, ô strenuissimi Germaniæ Principes, Imperij lumina, religionis ornamenta, qui tunc erant animorum vestrorum sensus, cum libertatem vestram in vltimo versari discrimine cerneretis? cum Cæsareanos exercitus in ditionum vestrarum visceribus grassantes, subditorum

C

vestro-

# DISSERTATIO ORATORIA

vestrorum iugulis ferrum intentantes, vrbium & arcium mœnia conquassantes, & vos, vos, inquam, Imperij Proceres ac velut Reges quosdam, è charissimæ Patriæ vestræ complexu exterminantes videretis, horreretis, sentiretis? Vestri tum omnium oculi in Sueciam nostram erant conuersi, & illam ipso aspectu vestro commouistis; vota faciebatis, vt arma pro vobis induere Gustauus noster vellet, exauditi estis, & cum eius animum miseriarum vestrarum misertus Deus excitauisset, arma pro vobis induit. Frustrà erant vestræ apud Cæsarem querelæ, post quas non minuebantur, sed augebantur miseriæ; frustrà tot Legati cum precibus ad eum missi, quibus cum non satisfaceret, ad alienum auxilium ipsa vos necessitas compulit, & arma quodammodo manibus vestris ingessit. Atque hæc est necessitas illa, quæ causæ vestræ iustitiam adiunxit, cum quod necessarium est, idem sit & iustum; quæ naturam in vobis concitauit, vt cum adesset potentissimo instru-

ctus exercitu Rex noster, arma simul pro  
 religione libertateque corripere. O Ani-  
 mi verè excelsi & supra fortunam ipsam  
 positi! O pectora seruire nescia, & veræ tan-  
 rum libertatis receptacula! Simulent quic-  
 quid possunt Austriaci, nihil hic dissimula-  
 bo. Simulabat Cæsar velle se supremâ Im-  
 perij authoritate Rebelles quosdam & sedi-  
 tiosos punire; spargebat in vulgus Aulæ  
 suæ decreta, quibus occupata à Principibus  
 Lutheranis Catholicorum Ecclesiastico-  
 rum bona restitui seuerissimè mandabat;  
 sed nimirum simulatione istâ fœderatos  
 Imperij Principes opprimere, & sub iugum  
 Gentis Austriacæ redigere volebat, ut illi in  
 posterum seruirent, illamque adorarent.  
 Verùm ad alia & indigniora veniamus.  
 Conquestus apud Principes Electores de  
 varijs iniurijs Rex noster erat: quid illi? an  
 fortassis satisfecerunt? Nihil minus; an sal-  
 tem rescripserunt? Rescripserunt sanè; cui?  
 Gustavo. O nunquam ferendum oppro-  
 brium! ô iniuriam armis omnibus vindi-

# DISSERTATIO ORATORIA

candam! Rescripserunt, nec Regem appellarunt, vt suppresso Maiestatis eius titulo Dignitatem ipsius irriderent, aut negato, regni Suecici vsurpatorem tantum esse declararent. Quid hic dicam, AUDITORES? Fuiſſet, fuiſſet profectò excors & demens Gustauus noster, si pro vindicando regni sui titulo non vim omnem suam & vitam exposuiſſet. Regem non appellarunt? At sane Regem horruerunt, vindicem senserunt, triumphatorem agnouerunt; atque illa vna, seu superbia, seu inuidia fuerit, vltimum pæne Germaniæ exitium comparauit, & Gustauo nostro iustissimam belli causam attulit. Quid enim hoc erat aliud, Regem illum non appellare, quam regnum illi eripere velle, vel alteri fortassis regnum eius addicere? Poterat hæc vna causa sufficere, vt Germania periret, si non aliæ etiam grauiores Gustauum nostrum verè Regem irritauissent. Vnum quidem bellum fuit, sed vnus belli causæ plusquam centum existerunt. Nos vnâ ad-

huc

## DE CAUSA BELLI GERMANICI.

huc videamus. Parum erat Regi nostro Regis titulum ac nomen ademisse, mare etiam Balticum, cuius Præfecturam tutelamque Sueciæ Monarchæ post hominum memoriam obtinuerunt, eripere illi Cæsar cogitavit, nec cogitavit tantum, verum etiam tentavit, & Walstenium per ea maris spatia summum Præfectum renuntiavit. Hoc titulo istaque Dignitate superbiuit ille, nunquam tamen satis superbus, aliquot in Saxonia Pomeraniaque portus occupavit, classem omni apparatu bellico instructissimam adornavit, non ut piratas depelleret, sed ut ipse piraticam exerceret; non ut Pomeraniæ littora tueretur, sed ut inuaderet; non ut vicinis populis præsidio esset, sed ut illis exterisque, Cæsarem suum formidabilem redderet, & illi ad Europæ Monarchiam aspiranti hoc modo viam pararet. Hæc est causa illa, AUDITORES, quâ Regem nostrum, tanquam leonem quiescentem, Walstenius in arenam euocavit. Vos ipsi iudicate; debuitne tam potens

## DISSERTATIO ORATORIA

Rex tamque gloriosus Bellator permittere, ut è maris Baltici, cuius erat post longam maiorum suorum seriem custos, possessione deturbaretur? an non potius id agendum illi fuit, ut, cum regno suo propter nouam illam Walstenij Præfecturam & prodigiosam eius dominandi cupiditatem meritò timeret, rebus inprimis suis, tum portubus maritimis, & Pomeraniæ tandem aliquando sumptis armis prospiceret? Quisquis inijs crescentis nimium alienæ potentiae maturè non occurrit, serò postea perditis rebus omnibus dolet. Nunquam satis est secura libertas, nec vigilare nimis multum potest, qui potentem & ambitiosum vicinum habet. At, inquit Cæsareani, nullum nobis Succus iste bellum indixit. Imitatus est Pyrrhum Rex noster, qui cum Spartam occupare vellet, exercitum suum inscijs omnibus in Spartanorum fines deduxit, & omnibus prædandi populandique potestatem concessit. Quærentibus autem Spartanis cur bello non

non

## DE CAUSA BELLI GERMANICI.

non indicto, ac contra Gentium ius illos inuaderet, nec vobis, inquit, ô Spartani, multum est curæ, quod facturi estis alijs denuntiare. Neque ipse nobis Cæsar, quod occupare Balticum mare veller, aut Polonis suppetias ferre, significauit. Nullum causarum eiusmodi recensendarum finem inuenirem, si persequi singulas vellem, & tamen finiendum est aliquando. Hoc dico, Christianissimus Franciæ Rex Ludouicus decimus tertius non has tantum, quas commemorauit, iustissimi belli causas approbavit, verum etiam in foederis societatem eâ lege nobiscum venit, vt cum Rex noster triginta peditum, & equitum decem millia in Germaniam educeret, ipse quadringenta aureorum millia quotannis aut Parisijs, aut Amsterodami numetaret. Ita per Charnaceum Legatum suum promisit, iurauitque. Neque aliud hoc foedere constitutum fuit, quam vt Germaniæ sua libertas esset, Principes à Cæsare oppressi suis ditionibus restituerentur, noua ad ma-



# DISSERTATIO ORATORIA

re Balticum propugnacula destruerentur,  
 commercia inter Regis vtriusque subditos  
 liberrima forent, Bauarus ceterique Catho-  
 lici fœderis Principes aut amici essent, &  
 ad neutram partem accederent, aut sese hu-  
 ic societati præstitis auxilijs adiungerent.  
 Quid, obsecro, iustius constituere tanti  
 Reges potuerunt? quid æquius decernere?  
 quid ad gloriam Christiani nominis lau-  
 dabilius pacisci? Petebatur his equidem  
 armis, ac potissimum Austriaca illa Gens,  
 quæ tot populos sub grauissimæ seruitutis  
 iugo tenet, & Europæ suam eripere liber-  
 ratem contendit, vt occupatis tot aliorum  
 Regum prouincijs totius orbis Monarchi-  
 am inuadat; sed nimirum refrænanda erat  
 Gentis istius ambitio, coercenda intra ter-  
 minos potentia, sistendus tot victoriarum  
 cursus, vt cum modestiam didicerit, spēs  
 suas hæreditariarum terrarum finibus ter-  
 minet, & ab aliorum ditionibus abstineat.  
 Neque cuiquam dubium esse debet, quin  
 Maiestas illa, quæ supra nos est, & bello-  
 rum



rum progressus moderatur, felicissimo Re-  
gi nostro diuinitus fauerit, animum eius  
ad tam arduum bellum, quod susceperat,  
erexerit, & fortunam eius armis alligarit.  
Quis enim nisi impetrato Maiestatis illius  
auxilio tot res ac tantas gerere vnquam po-  
tuisset, quot & quantas Rex noster breuis-  
mo tempore, tremente & obstupesciente  
orbe vniuerso, confecit? Numerant alij  
paucas vrbes, quas suæ potestati subiece-  
runt; Gustauus noster plures prouincias  
subiugauit, quam alij perambularunt.  
Non dicam eum occupauisse Stetinum,  
Grippenahagium, Lohemitsam, Garziam,  
Francofurtum Oderanum, Lansbergum,  
Mechelburgum, Brandenburgicum no-  
uum, Trextouum, Loixam, Damminum,  
Colbergum, Malchinum, Fursterwaldum,  
Hauelbergam, Lipsiam, Wirceburgum,  
Francofurtum ad Mœnum, Moguntiam,  
Erfordiam, Bambergam, innumeras alias,  
quas superare facilius nobis fuit, quam nu-  
merare. Hoc dicam, quod omnis admira-

bitur Postentis, vno belli impeu Gustauum nostrum sic à Mari Baltico sinuque Codano Treuiros vsq; victorem peruenisse, vt vix credant, qui dubitare tamen non possunt. Nihil Lappis nostris & Gothis, nihil Finnis & Sueconibus, ingentibus animis, immotis, & inconcussis resistere poterat. Non Tillius Germaniæ totius horror, quem antea inuictum in campis Lipsianis vicimus; non Walstenius, qui fortunam frustra dubijs prælijs lacessebat; non Croatæ prodigum vitæ hominum genus. Vicimus autem, quia nobiscum Deus, & nos cum Deo pugnabamus. Quid restat? Nihil omnino, AUDITORES, nisi vt credatis inuictissimum Regem nostrum propter subsidia Polonis à Cæsare contra se missa; propter litteras suas interceptas & resignatas; propter Legatos non admissos, & violata Gentium iura; propter consanguineos suos, propinquos, & foederatos ditionibus suis eiectos; propter suppressum aut negatum Regis titulum; propter mare Balticum obsessum

## DE CAUSA BELLÏ GERMANICI.

sessum vel piratis destinatum, deniq; propter religionis libertatem, iure in Cæsarem arma mouisse, quæ & Rex Christianissimus approbavit, & Regum Rex Deus tot victorijs ac triumphis per vniuersam pæne Germaniam cumulauit. Vestrum est, nullâ suspicione sinistrâ Regem illum onerare, qui quamdiu arma in manibus tenuit, tam diu fortunam sibi seruire fecit, felicitatem sibi adiunxit, Deum à partibus suis habuit, nec sibi, sed Germaniæ vicit, & in ipso victoriæ Gloriæq; immortalis sinu moriens conqueuit. DIXIT.

*Dixit*

*Perillustris ac Generosus Dominus*

D. ALEXANDER  
DE MERODE.

D. ORA;



## ORATIO II.

### CÆSAREI ORATORIS.



**N**ESCIO quo tandem fato fiat, AUDITORES, vt hoc tempore nullus fere Rex aut Princeps arma moueat bellumq; suscipiat, qui non idem augustissimam Principum Austriacorum Gentem inuadat, & in eius exitium vires omnes suas conuertat. Etenim vt præteritorum temporum funestissima bella, quæ vel Maximiliani Primi Cæsaris fortitudo, vel Caroli Quinti felicitas excepit, non commemoramus, hac ætate, quâ vniuersa propemodum Europa luctuosissimis armis agitur, nemo est in tanta tot bellorum tempestate, qui non ad Serenissimæ Gentis illius perniciem conspiret Quippe ad eam vnâ subuertendam tot foedera percutiuntur, tot

con-

## DE CAUSA BELLI GERMANICI.

conspirationes dolosæque machinationes  
 faciuntur, tot fortissimi terrâ marique ex-  
 ercitus armantur; nec alius est hodie tot ar-  
 morum scopus, quam vt Austriaci de Re-  
 publicâ Christianâ tam bene meriti, de fa-  
 stigio summæ gloriæ potentiaque detur-  
 bentur. Ferendum vtcunque fortassis esset,  
 si, cum in eius incolumitate Catholicæ Ec-  
 clesiæ salus nitatur, coniurati religionis no-  
 stræ hostes Hæretici in illam furore suo &  
 armis concitarentur; sed, prò dolor, etiam  
 Regum nonnulli, quorum laus est maxi-  
 ma in religione colendâ, tantâ inuidiâ per-  
 turbantur, vt suorum regnorum videre ca-  
 lamitatem malint, quam Austriacæ Gentis  
 gloriam aut potentiam intueri. Atq; idcir-  
 cò vires omnes suas eo conferunt, vt illam  
 aut euertant, aut intra angustissimos ter-  
 minos redigant. Quod cum sola suorum  
 armorum vi non possint, Hæreticos exci-  
 tant, aut illis sese iuratâ societate coniun-  
 gunt; & verò etiam Barbaros populos im-  
 manissimosque Principes ab vltimis pro-

## DISSERTATIO ORATORIA

pemodum terrarum oris euocant, ut iunctis armis Austriacæ Familiæ ruinam procurent. Quis enim nescit, Gustauum illum Suecum, sub quo vltimum exitium vniuersa Germania nuper expectabat, cum insatiabili quidem dominandi cupiditate, tum verò sollicitantibus quibusdam publicæ pacis perturbatoribus, qui sui regni fines per aliorum ruinas extendere contendunt, in Germaniam nostram cum ingentibus copijs irruisse? Atque hic cum præter inuidiam suam latiusq; dominandi cupiditatem nullam omnino belli Austriacis inferendi causam haberet, prætextum tamen aliquem excogitauit, ac varias animi sui offensiones confinxit, ut sumpta à se contra Ferdinandum Cæsarem & Austriacam Gentem arma, tanquam iustissima, tueretur. De quibus cum hic Suecus Orator plus satis in vestra illa attentione disse-ruerit, & hoc vnum contenderit, ut magnifico verborum apparatu vobis persuaderet, Gustauum illum suum iustissimis cau-  
sis ac

## DE CAUSA BELLI GERMANICI.

sis ac grauissimis offensionibus ad suscipiendam Germanici belli expeditionem impulsus fuisse, ego rationibus eius inprimis respondebo, vt cum apertissimam earum falsitatem & leuissimum sane pondus intellexeritis, statuatis apud vos Suecorum illud bellum, quo Germaniam pene vniuersam affligerunt, iniustissimum atque iniquissimum fuisse. Erigite animos, AUDITORES, dico pro Ferdinando Cæsare aduersus Gustauum; dico pro Catholico Imperatore aduersus Hæreticum; dico pro iustitia aduersus iniustitiam; dico pro Imperij Germaniæq; conseruatore aduersus externum inuasorem deprædatoremque. Quod si audiri saltem Orator iste iniustorum armorum patronus debuit, vos me pro veritate iustitiaque dicentem beneuolis animis audite. Ego in arenam cum illo iam descendo.

Ferdinandum Cæsarem Serenissimo Poloniae Regi suppetias aduersus Suecos misisse inprimis affirmat. Quid si negem? Neque



## DISSERTATIO ORATORIA

que enim Cæsaris vnquam aut voluntatem  
 probabit, aut de mittendis auxilijs manda-  
 tum ostendet. Sed sit ita sanè, fuerint no-  
 stræ sub Arnhemio Holstenioque in Prus-  
 sia copix, an non potuit iustissimus Impe-  
 rator tanto Regi Nepoti suo & Christianis-  
 simo Principi suppetias ferre? Quod, obse-  
 cro, Naturæ ius? quæ lex? quæ hominum  
 consuetudo, ne propinquo vel affini opem  
 feramus, vetat? Neque ipse Imperator, sed  
 Poloniæ Rex grauissimis offensionibus ir-  
 ritatus ad arma contra Suecos prosiliebat,  
 & à Cæsare propter necessitudinem auxilia  
 postulabat. Milites hic paucos misit, non  
 bellum intulit; adesse nepoti suo voluit, ne  
 inhumanus videretur, si non iuuaret. Tol-  
 lenda sane ex hominum societate huma-  
 nitatis & amicitix lex est, si succurrere pro-  
 pinquis & amicis est nefas. Conqueritur  
 deinde missas ad Transsylvanum litteras à  
 Cæsareanis interceptas fuisse. Age verò quis  
 interceptit? Nullos accusauit, & puniri ali-  
 quos postulauit; nullos produxit, & suæ  
quere-



querelæ rationem haberi efflagitavit. Non potuit Cæsar, cum rei nulli citarentur, iustitiam administrare, ac multò minus in aliquos animadvertere, cum flagitij nemo particeps produceretur. Occultæ sunt latronum insidiæ, & conquerendi, etsi non dolendi, occasio tollitur, cum personas flagitio obnoxias ignoramus. Quid mirandum autem tantopere est, si, ne ad Germaniæ portus quædam naues appellerent, prohibitum fuerit? In tanta tot hostium multitudine non potuit prudentissimus Imperator nimis multum Imperio Germaniæq; cauere. Sed violati, inquit, Sueciæ sunt Legati, cum ad tractandam Lubecæ pacem non sunt admissi. Non erat opus tantâ tot verborum contentione, nec tot profectò querelis. Admissi non fuerunt, fatemur; an idcirco violati? an vllum superbum illis responsum est datum? an vlla iniuriâ affecti fuerunt? Res inter Cæsarem Daniæque Regem agebatur, nec aliorum tum opus erat Legatis, qui susceptum in ea vrbis de

E

pacc

# DISSERTATIO ORATORIA

pace negotium aut impediuiſſent, aut perturbauiffent. Quid ſi verò admitti etiam non potuerunt? Dederat enim hoc ſuis mandatum Cæſar, ne quos, præter Daniæ Regis Legatos, reciperent; ac proinde, mittere Suecus, ſi ſui regni intereſſe exiſtimabat, ad Cæſarem, atque illi, quicquid vellet, exponere debebat. Ita de iniuria conqueritur, & nullam probare iniuriam poteſt: nec factò vllò, nec verbo violati ſunt Legati. Cum Dano tantum pacis negotium tractare Cæſar voluit, an non potuit? lætetur Suecus conſtituta à maioribus ſuis in Gallia, Hiſpania, Italia, alijsque prouincijs regna, hoc aliud profecto nihil eſt, quam ſummæ iniuriæ maiores ſuos arguere, qui Gentium quietiſſimarum pacem perturbant, & in alienas regiones, tanquam immaniſſimi graſſatores, ſine cauſa inuolant. Non ſatis eſt ad veram laudem viciffe, aut aliena regna occupauiffe, ſed armis iniuriam vindicauiffe glorioſum eſt. Sequitur nunc illud, in quo veritus Orator

iſte

## DE CAUSA BELLI GERMANICI.

iste videtur, ne sibi Eloquentia, aut omnino oratio deficeret. Oppressi, inquit, propinqui, affines, & amici omnes nostri Regis erant, imò etiam afflicta miserè tota Germania manus illi tendebat, & suppetias implorabat. Vellem hic adesset, AUDITORES, Legatus ille, quem Scythæ olim ad Alexandrum miserunt, procul dubio quod Alexandro tunc dixit, idem Sueco pro me responderet, *Tu, qui te gloriaris ad latrones persequendos venire, omnium Gentium, quas adiisti, latro es.* Nimirum venit in Germaniam Suecus non ut oppressos (nulli enim erant) recrearet, sed ut quietissimos populos opprimeret. Quas enim agrorum vastationes, quas urbium depopulationes, quas strages, quas miserorum Catholicorum eiectiones, postquam sese in Germaniam effudit, non vidimus? Verè verè, quemadmodum hic dixit Orator, nulla tempestas, nullum fulmen, nulla aquarum illuies sic vnquam desæuit, sicut Suecorum effusa vis Germaniam pæne

# DISSERTATIO ORATORIA

vniuersam afflixit; & tamen vt iacentes erigeret, oppressos recrearet, eiektos restitueret, venire sese simulabat. Pomeranis equidem, Mechelburgensibus, ac nonnullis alijs opem aliquam tulit, sed quâ iis iugum imposuit, & occupatis eorum vrbibus potentiam suam alienis etiam viribus stabilivit. Vt verè dicere possimus, Gustauum non suis, sed Germaniæ viribus Germaniam oppressisse, cum ea totius regni eius potentia non esset, vt sustinere Germanorum vim, multò minus tot prouincias occupare, potuisset. Dicam audacter, non Suecorum vi, sed fatali discordia sua, & nimia peruicaciâ Germani nostri Patriam suam affligerunt. Quanquam quæ tum erat vel vrbium, vel prouinciarum oppressio, vt Suecum ad illis succurrendum ex Septentrione suo necessitas extraheret? Sumptus aliquos belli Imperator postulabat, & præstare tenebantur; militem per maris Baltici littora, per Pomeraniam, per Marchiam Brandenburgicam, per vicina loca alia,

## DE CAUSA BELLI GERMANICI.

consentientibus Ducibus ipsis, distribuerat; ut tutam ab imminentibus tot undiq; hostibus Germaniam conseruaret. Quid reprehendi iure hic potest? An militaris fortasse quibusdam in locis insolentia? Non excuso, sed hoc commune militiæ malum est, nec in Ducum semper est potestate militum insolentiam coercere, aut iniurias grassatorum quorundam arcere. At sane neq; etiam Imperator, qui præsidijs suis Germaniæ fines aduersus hostilem impetum muniebat, Clientes suos ditionibus exuebat, aut Germaniam opprimebat, quam tranquillissimam florentissimamq; semper esse voluit, & vero etiam, ut speramus, nouas annuente Deo victorias, inusitatâ felicitate recreabit. Potuisset hic Orator de Melchiburgensi Duce tacere, qui quemadmodum grauissimè Cæsarem offenderat, ita cum Cæsar & Ducatu & titulo potuit priuare. Hæc enim defectionis est pœna; neq; ad Suecum spectabat postulare, ut Septemviri in eum mulctâ aliquâ pro qua ipse spō-

E 4      debat.

debat, animaduertent, eâ tamen lege, ut in ditionem suam restitueretur. Hoc enim erat Cæsari legem ponere, & Domini potestatem restringere. Enimuerò non ferebat Suecus religionis libertatem coerceri, & Ecclesiasticorum bona ab Hæreticis occupata repeti. Quam hoc omnino ridiculum est, & à ratione alienum? Si constitutam Passauij & Augustæ religionis pacem in Imperio seruari necesse est; si in eius verba, cum Imperij diadema susciperet, Cæsar iurauit, quid aliud facere debuit, quam seuerissimis edictis mandare, ut quæ occupata à Protestantibus Principibus Ecclesiasticorum bona essent, restituerentur? ut Catholicos, quos suis ditionibus exterminabant, suis in bonis, patrijs sedibus, & religionis exercitijs esse paterentur? ut in Germania soli essent, qui aut veterem Catholicam Religionem, aut confessionem Augustanam profiterentur? Ita enim iubet Augustana Imperij constitutio, ad quam seruandam iureiurando Septemviri Cæsarem



## DE CAUSA BELLI GERMANICI.

rem adstrinxerunt. Quid restat? Multa, inquit ille, & multo indigniora restant. Literas Septemviri ad Gustauum dederunt, nec Regem appellarunt. O crimen scilicet omni bello vindicandum! Culpam fortassis in scriba aliquam suspicari poterat, vel errore lapsum interpretari; sed culpam omnem Septemviris Principibus adscripsit, & se contemptum ab ijs esse dixit. Fateor hic & ingenuè & libenter me arcana tantorum Principum consilia ignorare, nec in ea curiosius inquirere velle; quid si verò Regem illum idcirco non appellarunt, quod Gustavi parens nullo iure ac per fraudem tantum in Sueciæ regnum, cuius erat constitutus administrator, inuolarit? quod Poloniæ Rex Sigismundus tertius post patris Regis obitum hæreditario iure Sueciæ coronam consentientibus omnibus regni Ordinibus suscepit, & dictum sibi à populo Sacramentum acceperit? Quod hodie datus in Polonia Sigismundo Patri successor Wladislaus iustissimo titulo regnum il-

lud

lud sibi vendicet ac repetat? Noluerunt  
 prudentissimi Electores, nec poterant, vna  
 litterarum inscriptione tantam litem vide-  
 ri definiuisse, & legitimo hæredi ius suum  
 ademisse. Sed nos procedamus, potuit e-  
 nim Gustauus suppressi huius tituli ratio-  
 nem ab Electoribus postulare, ac non pro-  
 tinus ad bellum iniustissimum proficere.  
 Maris Baltici Præfecturam, quam sibi Sue-  
 cus iure vendicabat, Walstenio dedit Im-  
 perator. Quid hic arguis? quid reprehen-  
 dis? Eam Walstenio Imperator concessit,  
 vt circa Pomeraniæ portus vigilaret, pirati-  
 cas excursiones auerteret, commerciorum  
 libertatem conseruaret. Et cum ante pa-  
 ctam cum Dano pacem non procul à Po-  
 meraniæ littoribus Suecus excubaret, non  
 debuit profectò Cæsar, vt ita dicam, altum  
 dormire, sed omni cum diligentia præue-  
 nire. Imò cum timendum esset, ne oecu-  
 patis in Pomerania propugnaculis novos  
 in Imperio motus Daniæ Rex excitaret,  
 debuit Cæsar suis præsidijs totam illam pro-  
 uinciâ





# DISSERTATIO ORATORIA

mum armatis percussit; his militem pecu-  
 niamque subministrat, hos omni auxilio  
 terrâ marique iuuat; ac tum potissimum,  
 cum arma sua in Austriacos Principes di-  
 stringunt, quorum magnitudinem & ex-  
 tensum longè lateq; Imperium nec ferunt  
 Franci, nec equis oculis intuentur. Cresce-  
 re Hæreticorum vires potentiamque ma-  
 lunt, quam Austriacorum; imò etiam ex-  
 pedire iudicant, vt Catholica Religio qui-  
 busdam in locis detrimentum patiatur po-  
 tius, & in ijs Hæresis triumphet, quam vt  
 Austriaci, summo licet iure, tam latè do-  
 minentur, quorum magnitudinem omni-  
 bus formidabilem esse confingunt. Non  
 arguo Christianissimi Regis Maiestatem,  
 quam omnes libenter venèrantur, sed vti-  
 nam, qui Christianissimus Rex est, & Ec-  
 clesiæ, vt gloriatur, primogenitus Filius,  
 cum eius hostibus societatem non amaret!  
 Utinam, inquam, ad audienda eorum con-  
 silia Regias aures non admoueret, qui ipsi-  
 us gloriam non tam quærunt, quàm suo  
 contra

Contra Principes Austriacos odio eius viribus satisfacere contendunt. Alterum est, Diuinam Maiestatem hoc bellum procul dubio cum summâ iustitia coniunctum iudicauisse, quæ Gustauæ armis tam felicem successum, tot victorias, totque triumphos in Germania concessit. Videte quam omninò nihil aut virtuti hostium, aut gloriæ detrahare velim. Fuit felicissimus Imperator & belli Dux Gustauus, fuit strenuissimus Bellator, & multorum veteris æui Ducum gloriam vel æquauit, vel superauit; sed mihi credite, à prospero rerum in bello successu ad Diuinæ Maiestatis fauorem, inuvalidum sane est argumentum. Nolo hic prosperam aliorum fortunam, quæ luctuosissimo tandem exitu terminata fuit, commemorare; nemo felicior Gustauo fuit, cuius in sinum tot lauros palmasque initio belli fortuna coniecit, sed idem etiam infeliciissimus extitit, qui vixdum expleto in armis triennio spes omnes suas, & sanguinem, & vitam sub hostium suorum gla-

dijs amittendo, moti temerariè belli pœnas grauiſſimas dedit. Blandiens illi fortuna initio arrisit, ſed vt poſtea deciperet; victorias aliquot illi accumulauit, ſed vt vnā de ipſo glorioſiſſimā Auſtriā paulò poſt daret; illum ex Suecia in belli Germanici arenā protraxit, ſed vt Sueciam non ampliùs videret, & victima pro tot oppreſſis ab eo Catholicis populis mactaretur. Quanquam quid fortunā hic admiror, quā vt verè Chriſtianus nullā agnoſco? Fuit, fuit præpotens ille Deus, qui iſtum infeſtiſſimum Ecceſiæ ſuæ hoſtem, cum feruentiſſimis precibus Maieſtatem eiùs piſſimi, ſed afflictiſſimi, populi ſollicitarent, confecit. lætitent Sueci tot illa ſua in Germaniæ campis trophæa, vnum de Guſtauo, ſed illis omnibus maius & glorioſius ereximus; deprædicent tot vrbes ſuis armis occupatas, nos eas victorias tantopere non admiramur, cum plurimæ vinci ab ijs voluerint, atque vltro portis apertis inuitarint. Glorientur  
quod

## DE CAUSA BELLI GERMANICI.

quod breuissimo tempore atque vno belli impetu à Mari Baltico ad Rhenum & Mosellam vsque cuncta sibi subiiciendo penetrarint ; mirum id profecto non est ; cum in armorum istorum societatem Protestantes omnes Principes venirent , permultæ potentissimæ Ciuitates fauerent , Hæretici omnes iuuarent , quorum omnium auxilijs si destitutus Gustauus fuisset , nunquam de maxima Germaniæ nostræ parte sine Germanis triumphauisset . Respirauī , AUDITORES , & quemadmodum nostris armis Gustauus occubuit , ita hic eius Orator rationibus nostris iacet profligatus . Superest , vt antequam dicendi finem faciam , pauca pro Ferdinando Imperatore & susceptæ ab eo defensionis iustitia dicam . Breuis ero , vos mihi nouam attentionis & beneuolentiæ auram aspirate .

Nemo nescit ita omni iure naturæque legibus comparatum esse , vt quicunq; Rex est , aut Princeps , aut Imperator , is in regno

# DISSERTATIO ORATORIA

Imperioque suo subditis omnibus legem ponere ac dicere ius omnino debeat, nec à quoquam seu fraude aliqua, seu machinatione violentâ turbari. Quod cum ita certum sit, vt ne quidem paterfamilias aliquis iure possit in suæ Domus administratione impediri, quis non æquissimum Cæsaris nostri aduersus Suecos bellum iudicabit? Illi nullâ iniuria laceffiti Imperij terras inuaserunt, in quibus solus Dominus est, qui idem est Cæsar; illi quibusdam Germaniæ nostræ dissidijs sese immiscuerunt, quorum non alius est Iudex, quam qui idem supremâ potestate ius dicit. Vnde efficitur, quod quemadmodum nolisset Suecus, nec vnquam passus fuisset, legem sibi à Cæsare in Suecia poni, aut eius armis in terrarum suarum regimine turbari, ita nec ipse Cæsaris in Imperio iura, quæ Romanæ Aquilæ sunt, inuadere debuit & vsurpare. Sed nimirum imitari maiores suos, veteres illos Gothos & Vandalos voluit, qui suis viribus confisi & dominandi cupiditate

## DE CAUSA BELLI GERMANICI.

compulsi in aliena regna inuolarunt, inq̃;  
 totam Europam ruptis iustitiæ repagulis,  
 humana omnia diuinaque iura proculcan-  
 tes irruerunt. Inuitabat equidem illum sua-  
 uior Germaniæ nostræ aura mitiorq̃; cœli  
 temperies, & illas patriæ suæ solitudines  
 desertaque fertilissimis temperatissimisque  
 ditionibus nostris permutare vehementer  
 optabat; sed maior ardentiorq̃; eius animo  
 fines suos extendendi cupiditas infidebat.  
 Iam enim post subiugatam, vt sperabat,  
 Germaniam raptumque Imperij diadema  
 Italiam spe sua deuorabat, vt in Capitolio  
 Romano laureas suas triumphator depo-  
 neret. In Galliam etiam, foederatum sibi  
 regnum, irruisset, nec adhuc in ea fortunæ  
 suæ metam fixisset; vltius quoque vete-  
 rum Gothorum vestigia sequens ad Hispa-  
 nias aspirasset, & apud Herculis columnas  
 deuicti orbis trophæa, erexisset. Hæc erant  
 animi eius commenta, hæc inquietæ men-  
 tis desideria, hæc insatiabilis ambitionis co-  
 gitationes, quæ illum non Europe tantum,  
 sed



# DISSERTATIO ORATORIA

sed mundi etiam vniuersi candidatum efficiebant. O quam vellet hodie nunquam se Sueciæ finibus excessisse, quam Natura interfusis æquoribus à Germania separauit! O quam optaret, nunquam se alienis in Imperio dissidijs immiscuisse, qui subditis suis tranquillissimâ in pace regendis gloriosissimè poterat occupari! Sed ne mortui Manes conturbemus, ad alia festinemus. Antiquis nouisque Imperij legibus seuerè sancitum est, ne quis alterius subditos in tutelam ac patrocinium suscipiat, quod iurium quædam oriatur confusio, & iniuria imperantibus fiat, quorum subditi ac clientes ab ea, quam præstare Naturæ iure debent, obedientia auocentur. Damnat eiusmodi fœdera | Aurea Bulla, nec aliter clientelas illas Iulius Cæsar, quam factiones, quæ ad Reipublicæ interitum spectarent, appellabat. Quid ergo? an non in Imperij leges Gustauus impegit, qui Pomeraniæ Ducis & aliorum, ut ipse iactitabat, patrocinium suscepit? an non Imperij

iura

## DE CAUSA BELLI GERMANICI.

iura inuasit, qui Imperij subditos in tutelam accepit? an non factionis in Imperio ac rebellionis author fuit, qui aduersus legitimum Principem concitato bello subditos defendere præsumpsit? Enimverò quæ erat ista vel armorum, vel defensionis necessitas? Cæsareani in Pomerania milites erant. Erant sane, & ipse Dux Bogislaus cum metationum Præfectis à Cæsare missis de rebus necessarijs, ac de annona potissimum illis præstanda, per triennij spatium bona sinceraque fide conuenerat. Erant & in ditione Brandeburgica, quos Serenissimus Princeps Elector, ut debebat, aluit sustinuitque. Ita enim Imperij leges iubent, ut quicumque Germaniæ Principes, cum publica necessitas exigit, Cæsari & Imperio militent, sumptus ad bellum necessarios præstent, ac nihil omninò pro conseruanda communi salute recusent. Quod si militum insolentia, ut plerumque fit, quasdam iniurias Pomeranus est passus, non ad Gustauum, sed ad Imperatorem

# DISSERTATIO ORATORIA

prouocauit, quod non ignoraret supremam Imperij custodiam, non ad alium, quam ad Cæsarem pertinere, qui non citius factus est Imperator, quam Imperij protector. Nec poterat ipse nisi perniciosissimo exemplo permittere, vt Princeps aliquis alienigena & transmarinus eam sibi potestatem sumeret, quâ de Germanorum Principum controuersijs iudicaret, aut eorum se protectorem offerret. Sciebat enim sub eiusmodi patrocinijs prætextu Romanos olim imperium suum amplificauisse, Turcas fines suos extendisse, ac non ita pridem Gallos Metas, Tullum, Virdunum, aliasque Imperij vrbes inuasisse. Quod si Pomeranus vltro ditionem suam Sueco concessit, si foedus cum eo percussit, si annonam illi militarem subministrauit, in læsæ Maiestatis crimen incidit, & factus Cæsaris est inimicus, qui cum Cæsaris inimico societatem contraxit. Vt illud iam non dicam, quod cum Suecus omnia ad mare occupasset, & Torquatus de Comitibus

## DE CAUSA BELLI GERMANICI:

bus præsidium illi Cæsareum offerret, maluerit se patriamque suam hosti quasi proforibus existenti committere, quam Domini ac Cæsaris sui milites recipere. Nunquam ille tantum à se crimen amolietur; nunquam iniustam illam suo nomini maculam & infamiam delebit. Quid nunc dicam Suecum ita bellum gessisse, ut contempto Gentium omnium more non indixerit? Quid commemorabo, quod nullo iuris ordine seruato, ac nullis omnino præmissis de iniuria aliqua querelis in Imperium irruerit, & Cæsarem de supremæ authoritatis suæ possessione deturbare uiderentur? Protestabatur equidem passim nolle se vel Imperio, vel Imperatori suum ius auferre, sed tamen peregrinum exercitum & arma sua in Imperium inducebat, Germaniæque Principes in foedus ac clientelam admittebat. Offerebat Gedani per Legatos suos spem aliquam pacis, sed tamen Cæsari legem ponebat, ut ex Saxonia præsidia sua deduceret, ut exstructa ad mare

# DISSERTATIO ORATORIA

Balticum propugnacula destrueret, vt Mechelburgenses aliosque nonnullos restitueret, vt Stralsundam obsidione liberaret, vt nulla denique Suecorum hostibus auxilia subministraret. Quid hoc, obsecro, aliud erat, quam Imperatorem ad sibi parendum cogere velle? quam Germaniæ ac Imperij Dominum sese ostentare? quam præsidia ex vrbibus, milites ex agris, arma ex manibus extorquere, vt eo facilius ac nullo impedimento Imperatorem sese constitueret? Neque enim dum pacis, etsi iniquissimæ, mentionem faciebat, pacem tamen vllam volebat, sed Romanam in Germania Ecclesiam pessumdare, & in Imperij Gentisque Austriacæ ruinis Religionem Catholicam adhærentesque illi Principes sepelire. Hoc fuit aliorum Hæreticorum votum, hic eius scopus, hæc meta, si tamen vlla esse potuit, armorum. Vidimus hætenus, & adhuc dolemus, imò videmus adhuc gementes sub iugo Suecico multas vrbes, Religionem Catholicam eiectam, Exules Prin;

Principes aliquos Electores, proscriptos sacros Ordines, & quasdam Suecorum in visceribus Germaniæ reliquias summâ crudelitate grassantes, quibus dum auxilia Gallorum adhærent, plus quam Turcicam sævitiam exercent. Quæ cum ita sint, nec debuerit Gustauus Cæsari in Imperio legem ponere, nec Germaniæ Principes in tutelam suam accipere, nec bello non indicto peregrinum exercitum inducere, nec Imperatoriam authoritatem labefactare, vel potius sibi usurpare, ac multò minus veterem Imperij Religionem, quæ Catholica est, contra ipsius Imperij leges exterminare velle, nemo est, qui non ea arma, quæ aduersus illum Ferdinandus Imperator coepit, iustissima debeat iudicare. Dicam amplius, nemo Principum Regumque Catholicorum esse debet, qui vires Cæsaris viribus non iungat, vt hoc nefandissimæ & ambitiosissimæ Nationis bellum (quanquam quid bellum dico?) vt, inquam, perniciosissimum hoc in Germa-

## DISSERTATIO ORATORIA

nia latrocinium aliquando tandem extinguitur. Reijciantur ultra mare, & in Septentrionem vsque prædones illi, qui postquam miserè Germanos spoliauerunt, eorum adhuc sanguinem exsugunt. Profligentur illi, & in regnum suum repellantur, qui dum se libertatem tueri velle simulant, iugum imponunt, nec socijs foederatisque suis, sed sibi vincunt, & dum Austriacam Gentem deprimere contendunt, Romanam Ecclesiam crudeliter affligunt. Neque sane desperandum est, quin à partibus suis habiturus sit Deus Imperator, qui Dei ipsius, qui Ecclesiæ, qui Religionis, qui Iustitiæ causam propugnat. Et cum iam manifesta diuini fauoris signa tot inexpectatis victorijs testata videamus, vota faciamus, **AUDITORES**, ut de Suecis, de Hæreticis, de Ecclesiæ & Imperij hostibus, de Inclytæ Gentis Austriacæ inimicis, eorumque foederatis, Ferdinandus Imperator triumphet, frendeant &



DE CAUSA BELLI GERMANICI.  
& rumpantur invidi, gestiant, exultent,  
applaudant Catholici. DIXI.

*Dixit*

*Perillustis ac Generosus Dominus*

D. P H I L I P P V S  
D E M E R O D E.

---

CENSURA.

Hanc Dissertationem, vti elegantem ac disertam, prælo dignam censeo. 25. Maij 1635.

ANTONIUS LOVERIVS S.T.  
*Licent. Apostolicus & Regius  
Librorum Censor.*

